



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

LV. Epistola Episcoporum Dardaniæ, Ad Leonem Imperatorem. Domino piissimo & inuictissimo, atque Christianissimo, perpetuo Augusto, imperatori Leoni, Vrsilius, Dalmatius & Maximus, episcopi vestræ ...

**urn:nbn:de:hbz:466:1-14887**

EPISCOPORVM DARDANIÆ,  
AD LEONEM IMPERATOREM.

*Domino piissimo & inuictissimo, atque Christianissimo, perpetuo Augusto, imperatori Leoni, Vrsilius, Dalmatius & Maximus, episcopi vestræ Dardaniæ.*

**E**T agnouimus & inuenimus in lectione imperii vestri, saluatoris Dei iudicium, & quia virtute sua cunctas regno vestro subdidit barbaras nationes, & per vos eius pietas firma inuolabilisque consistit, & vt nemo præsumat apud pium imperatorem aliquid iniquum petulantia scelerata suggerere: quia sicut in sua pace omnia diuina consistunt, ita nihil sacramentorum Dei per fidem tranquillitatis vestræ humana varietate mutatur. Quid enim ita præceps est, aut sic impium poterit iudicari, quam credere pietatem fidei terminis apostolicis communitam, innumerabilibus sacerdotibus & omnibus sanctarum scripturarum testimoniis roboratam, nec non & decretis Nicæni Calchedonenfisque Concilii iudicio confirmatam, inanibus & profanis præsumptionibus posse violari, dum ad omnem perfectionem catholicæ fidei sapientissimi Salomonis doctrina sufficiat? Ait enim: *Sentite de Domino in bonitate, & in simplicitate cordis quærite eum.* Quid ergo pessima calliditate nequitia faciet, cui ultra bonitatem nequaquam licet excedere? Sed sicut ostenderunt literæ meæ humilitati directæ, hæc Timotheus respuisse dinoscitur, qui episcopatum ambiens, episcopi morte percepit. quapropter aliorum scelus eius ruina factum est, & in fraterno Concilio non vocatur, quando fratris necator esse cognoscitur; vtique a reuerendæ memoriæ Proterio, quantum ad fidem eius, in nullo læsus: cuius tali morte hic ordinatus, vestræ tranquillitatis iudicio nullum poterit eius gradus habere robur. Igitur religio vestræ pietati commissa ab æterno Deo, inuictissime principum, conseruetur: eius clementia imperium quod vobis collatum est, in omni gloria longa ætate muniatur. Et sicut vestra mansuetudo diuina propitiatione

conti-

Sapient. 1.

continuis temporibus custoditur, sic & sacra mysteria nullorum scelestis præsumptionibus vulnerentur, sed pietatis vestræ laboribus pax mundo collata, in sua soliditate intransgressibili pietate seruetur.

Vrsilius episcopus Dardaniæ, incolumem tranquillitatem tuam pro pace mundi & catholicis ecclesiis, multis annis virtus æterna custodiat, domine piissime & inuictissime, perpetue Auguste.

Dalmatius episcopus Nentiniæ, similiter.

Maximus episcopus Diocletianensis, similiter.

LVI.

EPISTOLA EPISCOPORVM  
METROPOLIS CORINTHI,  
AD LEONEM IMPERATOREM.

*Piissimo & inuictissimo domino totius terrarum orbis, & Christianissimo imperatori Leoni, Petrus episcopus metropolis Corinthi, & reliqui episcopi reuerendissimi sub me constituti, Athanasius, Rufinus, Alexander, Candidus, Agatherus, Alexander, Archimus, Cyriacus, Thales, Domitius, Hosius, Constantinus, Iscius, Ioannes, Athanasius, Timotheus, Aphobius, Zoilus, Plutarchus, Gerontius, in Domino salutem.*

**I**N omnibus quidem, quibus propter religiosum imperium vestrum respublica bene regitur, omnium Dominus glorificatur Christus; præcipue autem in quibus orthodoxæ fidei inconcussa iura seruari studet vestra tranquillitas: pro quibus sancta & adoranda Trinitas intentionem vestram remunerans, & victorias de inimicis, & omnia sicut optatis præbuit, & præbebit vestræ pietatis imperio. Vnde vero dignata est nobis scribere vestra tranquillitas, & aperte iussit nostram manifestare sententiam, hæc pietatis vestræ potentiæ declaramus, quia ea quæ a Calchedonensi sancto & vniuersali Concilio definita sunt, tamquam sanctis Synodis præcedentibus consona, & in nullo contraria, aut sanctorum trecentorum decem & octo patrum Nicæno Concilio, aut Constantino-politano centum quinquaginta, aut Ephesio sub beatæ memoriæ Cyrillo celebrato, omnibus sententiis manere immutata decreuimus. Nihil enim dubium in eadem